

## KERWEREDE 2018 (Tamara & Patrik lesen!!!)

### Eileitung (Roland)

Servus ihr Leit und en gude Tach

Wie jed Jahr mach ich de Beginn

Denooch kummt die Kerwejugend und verzählt eich Geschichte

Bevor mer aber Gaudi mache

ihr wisst jo sicher was ich do schun were mach

un hau eich verbal die Brocke mol hin

ich bin immer nur der ders muss dichte

kummt erschd was, des is net zum Lache

### NACHRUF!!!

Mir un uns als KKA isse es Pflicht un Ehr

Sicher, er is jetzt an em bessere Ort

Oli, dein Andenken wern mer stets bewahre

Unserm Oli zur Ehr de Schobbe zum Mund

*Die Asslemer Kerb sie lebe...*

Im ledschde Jahr warn e paar dolle Sache debei

A des Wörsche Ja macht bei uns die Runde

die 1250 Jahr Feier un Kunscht am Bau

zu wünsche das de Oli Gehrman noch bei uns währ

aber fer uns fiel en tolle Mensch un Kumbel fort

im Geist wirst du ewig mit uns un deine Hexemänner fahre

un dann ruf ich fer dich ins weite Rund

vun Radfahrern zum Zipfelmann un em Handschlag owe

es gibt sogar frohe Geburtstagskunde

do druf reimt sich: des brauch kee Sau

***Auch nach dem Jubiläum sind wir mit dabei***

So hammer heit zum Umzug eigelade

An die Teilnehmer en große Dank

Un ganz wischdisch ihr do unne

Drum nemt eier Glas mo in die Flosse

*Die Asslemer Kerb sie lebe...*

Seite 2

***die Kerb is uns nicht einerlei***

lief alles glatt gab a keen Schade

uff eich kenne mer baue ihr seit wie e Bank

bei eich hammer immer Unnerstizung gefunne

jetzt wird unser Kerb begosse

**Das KKA ist wieder da (Roland)**

Hier un jetzt an dere Stell  
Wie immer sollt ihr do unne wisse  
Denn wann ich net iber mich selber lache kann  
De Umzug vom Verlies zur Burg war en Gag  
die Mäus in Asslem fühle sich betroge  
un fer die Mäus blieb nix zu esse un keen Süßbabb mehr im Haus  
Selbscht die babbische Gutzel uffem Bode sin Geschichte  
Im Moment simmer schwer am Schaffe  
Brülle uff de Gass dort rum  
A die Burg wird keen Sauberkeitspreis gewinne  
an de Kerb hatte mer Opfer zu beklage  
Die Crank Desperados warn Freitags am Rocke  
Wenischer wege de gute Musik im Rund  
Die Kinner solle eigentlich penne  
Keener hot do dro gedacht  
Mit der Laune wars dann schnell vorbei  
Hot sich dann aber a schnell geklärt  
Schubbkärchrenne lief letschd Johr ohne Nücken

gebts die Info zu uns de KKA Gesell  
das wir uns a selber disse  
mach ich mich a net an die annere dran  
so mancher Carton rennt vun allee schun weg  
Die Burg in Kinnerum ham mer jetzt bezoge  
stattdesse fährt de Uli täglich mehrmols nei un naus  
die warn die Anja und de ich mim Dampfstrahler am Vernichte  
un mache uns in Kinnrum öfter mol zum Affe  
die Anwohner wern denke „ei sin die dumm?“  
aber bislang konnte mer de Mäus un Ratte entrinne  
manche ham den lecker Woi net vertrage  
die Steffi und de Eckhard warn voll vun de Socke  
„was soll der Krach vorm Feschder?“ tun die uns Kund  
durch die Schallwelle dun die mitsamt de Bette durch Zimmer renne  
zu saage: „horscht ihr beide es wird laut gebt mol acht“  
erscht gab jetzt mol e Motzerei  
is jo a den Streit net wert  
der war gesundheitlich an Krücken

Hot vun de Ferne uns de Daume gedrückt  
Bleed war nur der wollt jo penne  
De Rest vu uns war schun beim Stanek dehem  
Mir warn alle do, de Michel noch net  
Sei Frau war wohl net involviert  
Un de Stani mit gefühlte drei Promill  
Als Rettung vor seines Weibes Zorn  
„Is mer scheißegal - Kerb is bloss e mol im Johr“  
Iber uns kennt ich eich so viel vezehle  
Drum kummt uns efach selbscht besuche  
Es gebt a Zwiebelkuche un neie Woi  
Uffs KKA un unser Kerb hebt jetzt de Schoppe  
Dann werd de Patrik fer mich ibernemme

*Die Asslemer Kerb sie lebe...*

Seite 4

un unsern Michel hot en mim e Krankebesuch beglückt  
un net dauern a die Der nunner renne  
do sollte de Ausklang stettfinne und des is immer scheen  
aber heer, der hat a ganz schee Fett  
hot wu er endlich kumme is e Tänzsche mit em vollführt  
stellt sich hie und macht Gebrüll  
is er zum Dichten auserkorn  
reimte sich zwar net, Aber stimmt Michel, des is wohr!  
aber wann ich so lang quatsch gebts bestimmt genehle  
im September uff die Hitt bei Kaffee un Kuche  
a mir losse des lecker Trinke net sei  
un dann lost mit dem Schrei die Nachbarorte schocke  
un eich die nägschd Geschicht beim Name nenne

**Tortour de Schorle - Downhill (Patrik)**

Was is des? Es gebt Woi, Wetter uns is schee  
Rischdisch, des ist die Asslemer Hitt  
So hamm sich drei Kumbels gedacht  
Durch die Tour warn se dem Verdurste sehr nah  
Don´t drink and drive gilt net nur fers Kfz  
En Schorle folgt dem anner no  
Irgendwann so wurd´s erzöhlt  
Denn die Damewelt is Richtung Hitt uffgebroche  
So geht des Rund um Rund un Schoppe um Schoppe  
Den dene ihr Stimme verzehle unverhole  
Igendwann gege Obend sin se dann satt  
Die Dame uff des Schusters Leiste  
Genauso geht´s a were häm  
A die Männer uff ihr Drohtesel druff  
Zum Glick gebts do nunner Hecke die dämpfe de Fall  
Em Thomas sei Rad wackelt, die Bremse kreischt  
So kummt der aus de Hocke gekroche  
Nur de Ulf hot alles im Blick

un is do obe im Übelsborn gelee?  
do muss a emol es Fahrrad mit  
un hamm ihr Rädscher mitgebracht  
uff de Hütt gebts zum Glück Schorle, na klar  
des intresierd die drei jo aber net  
„ne, du warschd jetzt bin ich mim bezahle dro“  
ham die plötzlich sechs Persone gezöhlt  
hot wohl unne im Dorf de gude Schorle geroche  
heit werds wohl nix mehr mim uffem Fahrrad hocke  
de Alkohol hot dene die Übersicht schun längschd gstohle  
so mancher guckt a ziemlich platt  
wie se ach schun de Berg nuff reiste  
ei so e paar Schoppe des is schun scheen  
un dann de Hütteberg nunner, ajo im Suff  
durch die Uffschlög gäbs sunscht en laute Knall  
dann sieht er aus als hätt em e Katz es Gsicht zerfleischt  
de Boy hot e paar Meter weiter ach mol am Bode geroche  
so saat er später in de Sicht zurick

„ich wär heil do nooch unne kumme

Do hab ich so lache misse

„Uff un de wärre“ des kenne mer all

Den jetzt is Hunger ogesaat

Die Doris als treusorgend Frau

Do hot die beim Brotschneide net uffgepassd

Im Krankehaus wur se dann geäht

Tamara kumm jetzt schun mo aus der Meute raus

Uff die Kampftinker, die Drohtesel und die schnelle Finger

*Die Asslemer Kerb sie lebe...*

Seite 6

aber die zwä annere hamm die Abkerzung genumme

un mich mit samt em Rad in de Acker geschmisse“

also wird uff den Schreck noch beis Laysys eigefall

un es folgt der nägschde Blutsalat

stellt plötzlich e abgesägte Fingerkupp zur Schau

un hot dem Finger e neie Form verbasst

un des so gut das mer fascht nix seht

ich bin fer die nägschd Story nämlich drauß

MERKE: dont drink and drive Schorle un so Dinger

**Das KKA sagt JA (Tamara)**

„Ja ich will“ des kennt ihr all  
Zuerschd war unser Ella dra  
Am 16.06. wars soweit  
De Ella ihrn Bauch war schun kugelrund  
Inzwische is der Klee a gebore  
De erschde Nachwuchs im KKA  
Im Schlossgut Lüll zu Wachenheim  
Bei fascht 40 Grad sin die Gäscht zu ihre Plätz gekroche  
Im feinsten Zwirn hammer fer die zwä Spalier gestanne  
Die Dritte im Bunde  
Warn zur Feier im Pfalzhotel zu Asselheim  
Uff de Limburg hamm die sich es Jaword gewwe  
A fer die Gäscht war was gebote  
Ich glab jeder hot mo dro gedreht  
Gege Obend war dann Two of us debei  
Als nägschder ist die Jana dran  
A fer 2019 dun die Hochzeitsglocke läute  
Zusammenfassend kam mer saage

bei uns geht's dies Johr Fall um Fall  
un sagt zum Christian in de Martinskerch JA  
dann ware die zwee a kirchliche Hochzeitsleit  
genau, das tut e Schwangerschaft kund  
pumperlgsund un grün hinner de Ohre  
do sag ich mol glei „Hurra“  
sage a de Dominik un sei Babs net nein  
un ham dann gehert wie de Dominik seiner Babs die ewige Liebe hot vesproche  
manche a im Schatte unner de Tanne  
so tu ich heute Kunde  
die Kathrin un unser Philipp sogar mit Asslemer Wein  
um dann im zune Audi Cabrio no Asslem zu jette  
irgendwann war Klimaolag opacke verbote  
um zu gucke was noch geht  
die rocke die Hütt owei, owei  
der zieht de Toni im September en neie Ring an  
die Carmen war die, die unseren Mike vertäute  
des KKA kennt noch mehr Kinnder oder Mitglieder vertrage

Also Philipp, Dominik und Ella

Es kann jo mo gar net sei

Fer die Hochzeiter un die die des noch werre wolle

Familie, Haus, Kinner und gemeinsami Zeit

Drum auf die Zukunft das Glas gehobe

*Die Asslemer Kerb sie lebe...*

Seite 8

haltet eich mo richdisch dra

das de Ella ihrn Kleene so lang is allei

geht's ab jetztad in die Volle

mer freen uns fer eich all ihr Leit

un dann wird do obbe de Leser zur Seit geschobe



**Der Zipfelmann un des Kaisers Beinkleid (Patrik)**

Es war Obend an de Kerb 2017 im Augscht

Zum Strullere kam er ogerannt

als uff de Höh Mayerhof ener tokelnd in die Hecke huscht

manche ham den Kerl a glei erkannt

**ROLAND RUFT: ACHTUNG; ACHTUNG AB HIER WIRD ZENSIERT weil sich ener scheins geniert**

Unner Odrohung körperlicher Gewalt

Ihn stets uff des Thema ozuquatsche

Die bleed Fress soll de Maier bloß halte

bevors dann Krach gebt unner unserm Dach

ABER: A annre ham von hier obbe schun uff die Socke bekomme es hot uns bislang keener krumm genumme

Humor is wen mer trotzdem lacht

Un dann war die Idee gebore

schnell wars dann fer den a klar

uff Storys die mer gern erzählt

mann muss a iber sich selber lache

Zensur gehert in die Vergangenheit

*Die Asslemer Kerb sie lebe...*

tut der kund, dass es em net gefällt

droht er em Roland „es gebt uff die Fratze“

sunsch muss der em es Esszimmer umgestalde

lossemers halt jetzt mit dere Sach

hot de Roland sich gedacht

mit Zensur do hoscht als Schreiber schnell verlore

an e Kerwered setzt ich mich so schnell nimmer dra

ach wanns des eigne Ego quält

net nur über annere Leits bleede Sache

do druff trink ich mit eich ihr Leit

**Kahlschlag (Tamara)**

Wingert gebts viel bei uns des wisst ehr all  
De Änd is am Schaffe und hot kee Acht  
Des werd so schlimm jetzt sicher net sei  
Soweit so gut kennt mer jetzt meene  
Denn so gut war das wohl net  
Es wurd dann um Summe gefeilscht  
Wie uffem Basar wurd do gerunge  
Un plötzlich bevor ma sich versah  
A do wurd dann im Schreibstil besproche  
Die em jo überhaupt net gehere  
In de Zeitung hot dann a gestanne  
Jetzt sollnse scheinbar vor Gericht  
Un wie ihr wisst wolle mer hier keener disse  
En Handschlag druff, des bleibt unner uns  
Bei bleed un Plunz do fallt mer ei  
Uff e güttliche Einigung un gude Rebesaft

*Die Asslemer Kerb sie lebe...*

manchmol gebts durch die en riese Knall  
un hat dann beim Nachbar in grenznäh alles umgemacht  
so wurd gedacht und die paar Rebe sin einerlei  
doch dann würde mers jo hier net erwähne  
schun gabs Drohunge un orndlich Fett  
vun wege de Geiz is de Geilscht  
mer is nur net zu me Ergebnis kumme  
war de Artikel in de Rheinpfalz da  
der hot dem en Wingert ausgebroche  
so kam mer doch net dem anner sei Eigentum zerstäre  
die zwä Streithähn sin zu weit gegange  
Freunde wer die sicher nicht  
drum ist uff die Name a geschisse  
sunscht wer ich jo e bleedi Plunz  
ich hatt schun länger keen gudde Schoppe Wei  
schreit jetzt mo mit mir voller Kraft

**1250 Jahr Asselheim und des wes kein Schwein (Patrik)**

Asslem feiert Jubiläum 1250 Jahr	un keener vun seine Bürger war da
Wir des KKA war fer die Getränke zustännisch un domit gelade	das mir des fer unser Dorf mache war gar kee Frage
A unseren Roland war beim Programm mit involviert	hot uff em Guido sei bitte hin den Abend moderiert
Somit hatte mir en Platz in de erschde Reih	was do los war owei, oweih
Jetzt froht ihr eich zu recht warum dann des so is	ich sass eich jetzt, do seit eich gewiss
10.000€ hot die Stadt fer die Festlichkeite zurückgelegt	nur des Mitteilungsbedürfnis war net so recht ausgeprägt
Wobei des sicher dadro lag	das mer die Kunde net verbreite mag
Die Hall bei TVA war auserkore	un bei viele Besucher do hoscht verlore
Den dem Könisch Norbert sei Gemäuer	hot e Brandschutzverordnung und des wird teuer
Bei maximal 230 Leit do ist dann Schluss	mehr kumme net in den Genuss
So kam es dann, un isses bassiert	beim Festakt wurde die Asslemer efach rasiert
Klar, die ganz politisch Prominenz war am Start	nur seine eigene Bürger hot mer nix devun gesad
Das Who is Who wurd eigefahre	mehr wie an de Kerb in de letschde 10 Jahre
Die Büergemeschder von Stadt, VG un unserm Umland	all kamme se no Asslem zur Sause beim TVA gerand
De Staatssekräter, en Rode, de Randolph Stich	ihr glabt net was des en gudde Redner is
In seiner kerze Red fer de Jubilar	erwähnt doch der die ganze rote Schar
Werklich keener der TOP 20 der SPD deutschlandweit	hot er net erwähnt ihr Leit
Unserm Maierle wurd schun langsam bange	„bin ich jetzt uffem Genossenabend vun de Rode gefange?“

de Landrad Ihlefeld CDU der war a gekumme  
Doch der hot a glei gesagt das do was fehlt  
Die Fahn fer de Landkreis, des wer em recht  
No dem die Herren der Schöpfung sich wieder gzoze hatte  
Die Ellen Müsel Weinhoheit a.D.  
Do ruf de Maier vun obbe nunner  
A die Dancing Kids warn mit bei der Geschicht  
Die Hall war am tobe die Mädels beglückt  
Irgendwann war dann die Show vorbei  
Ein Teil vun de 10000€ wurd fer des Feschd verbrate  
Eventuell, des wisse mer net  
Den die warn faschd all beim Umzug mit am Start  
Do hot druffgestanne wer do obbe sitzt  
ABER: es Wichtigschde, tut mer leed, sinn net die auswärdische Geschd  
Also müsse die Asslemer zuerschd eigelade sei  
Als Fazit bleibt nur festzustellen  
Un wanns dann noch gud were soll, des is eich bekann  
Uffs KKA, uff Asslem, es geilschde Dorf im Rund

*Die Asslemer Kerb sie lebe...*

Seite 12

hot freudig die schwarze Bühnedeko wahrgenomme  
un er beim nägschde Feschd dann uff uns zählt  
die muss schun hänge bei some Feschd  
macht der Moderator widder Sache  
haut in e Brötsche grad die Zäh  
„a die Weinhoheit a.D. sei begrüßt un ess ner weider mach der keen Kummer“  
der Tanz den die mache, der is e Gedicht  
warn dann a gut mit Applaus bestückt  
un es ging los mit de Uffräumerei  
fer en annere stand des Feuerwerk vom Kerwemondag Pate  
hot a de Laubi fer die Weinhoheite e bissel ausgabe vun dem Fett  
uff jedem Wache gabs dezu e kleeni Kart  
un mit uns beim Jubiläumsumzug schwitzt  
NEEE, des ist schließlich unser Asslemer Feschd!  
un wann dann noch Platz ist, dann derfe die annere rei  
e Ortsjubiläum geht net so uff die Schnelle  
dann gebts dem KKA doch in die Hand  
führt de Schorle jetzt zum Mund

**Die Kunst am Bau stellt sich zur Schau (Tamara)**

Schon vor faschd hundert Jahr ham so e paar beschlosse      fer Kunscht am Bau werd jetzt Geld naus geschosse  
In Jahr 1928 hot de Minnister des Inneren der Weimaer Republik      uns gedreht den geile Strick  
Aus Geldmangel bei de künstlerische Zunft      wurd des beschlosse jed weder Vernunft  
Mind. 1% der Bausumme steht bereit      fer Kunschd am Bau ehr Leit  
Aktuell in Asslem bei de THS zu bestaune      her ich eich etwa schun raune?  
In de Reipalz stands geschriebbe      do kennschd ball ausem Fenschder hibbe  
10.000€ fer die Kunschd am Bau der THS in Asselheim      ich hab geguckt...was soll dann des sein?  
Geschliffene Sandstee, soviel is klar      Banana? Krokofant? Audo mit Rolle oder was fer e Exemplar?  
Des enne Ding is no obe geboo      des annere geht in die anner Richtung bal bis ans Gras noo  
De Kinner isses egal dir turne druff rum      hoffentlich fallt der Käs debei net mo um  
A die klene Sandsteebrocke drum herum      fer mich liege die efach nur do rum  
Kann nadirlich aber sei das des zur Erholung dient      fer die Leit die here was mer mit so me Scheiß verdient  
Denn bei denne Summe bischd als Normaler schwer benomme      was hätt mer mit dem Geld alles Gscheids hinbekomme  
Egal wu ner Gucke      alle sin beim Thema Geld am schlucke  
A mit unserem Sportplatz, die Spielplätz do kannschd keener mehr locke      oder hinnerm Ofe her locke  
Un wärn die Männer vum Bauhof net dauern hinnerher      mer hätte schun unseren Raseplatz, ich schwör  
Die Tafel, die Lebenshilf und die Kinner allgemein      jeder vu denne find e bissel mehr Geld sehr fein  
A die Vereine, in unsrer Stadt      ham die Bettelei um jeden Cent längschd satt

Dene werd die Kohle stets gekürzt  
Do wird um jeden Penny stets gerunge  
Wo is dann eigentlich bei de KiTa die Kunscht am Bau  
Is des der Fisch am Fahnemaschd  
Im Grund genumme is mers a völlisch egal  
späteschdens seit Beuys wars bei mir mit Kunschd vorbei  
mei Meinung zu Kunschd am Bau  
investiert in Lebe, net in tote Kram  
in der Hoffnung un in diesem Sinne

*Die Asslemer Kerb sie lebe...*

Seite 14

un viele Vereine kämpfe ums Überlebe, ich bin bestürzt  
un dann wird richdisch Geld fer so en Kack in die Hand genumme  
wo trage mer dann do die Kuschd zur Schau  
ei ich glab ich lach mer en Aschd  
ich find des Geld fer sinnvolles ausgabe, des wär ideal  
ich babb mer doch kee Fett in die Badwann nei  
do druf reimt sich : des braucht keine Sau  
damit a alle was devun ham  
kippe mer uns jetzt was hinner die Binne

**Die rote Schlachtbank (Patrik)**

In de SPD hots schwer gegore  
Demokratie is wem mers trotzdem net mitmacht  
Un um des Volk IM NACHGANG dann zu informiere  
Un als Krönung des Ganze  
In des Königs Wohnzimmer gings dann los  
Das mer vielleicht vorher des Volkes Stimm sich mol ahert  
Die Schwarze, die Gelbe, die Rote, alle mache se do debei blau  
Dabei hätt sicher jeder vun eich e Meinung dodezu gehabt  
Vun die Rode war die Schlachtbank gericht  
Wenn die Zeitung net geloge hot  
Unsern Guido der hot en Arsch in de Hos  
Wurd verbal a ganz schee ogegan  
Fer uns was jo a gut um zu wisse was is  
An some Dag kannschd net gewinne  
So sieht verbaler Selbschmord also aus  
In gudder Absicht macht er dann  
Er babbelt sich um Kopp un Krage  
Irgendwann ist dann a fer die Guido der Spuk vorbei

die ham die Abstimmung wege de Wohnmobilstellplätz verlore  
ham die Rode sich gedacht  
dun se jetzt mit Propaganda durchs Dorf flaniere  
solle die Bürger beim TVA zum Infomittag odanze  
un mer denkt sich die ganz Zeit bloß  
do dro hot keener vun de Politiker gedacht, un des is verkehrt  
Volkesstimme? Des interessiert scheins kee Sau  
so wurd's zumindest in Gespräche uffgeschnappt  
un em Guido die ganze Schuld fer alles ogedicht  
warn bei JA fer die Stellplätz 7 Stimme im Pott  
war nadirlich vor Ort un hot sich ogehrt die Schos  
so mancher war schon recht beleidigend zugange  
aber dann hot er sich es Wort gebe losse und hot verschiss  
im schlimmschde Fall wolln die dich noch vertrimme  
mer sieht em Guido o: „ich will hier raus“  
des was er net werklich gut kann  
so mancher Zuherer kanns schon nimmer ertrage  
un mer legen des in die Kischd Erfahrung nei

De Ausgang is noch offe

Den jetzt is de Stadtrat widder am entscheide

Wobei die Dame un Herre hätte a kumme kenne

Um mei Kehle jetzt mit Feuchtigkeit zu benetze

*Die Asslemer Kerb sie lebe...*

Seite 16

die Rode sin immer noch am Hoffe

un mir dun des Thema solang mo meide

um dann vor Ort de Leit ihr Meinung zu dere Sach zu nenne

werd ich jetzt mo mein Schorle petzte



**Schluss – aus- ferdisch – vorbei (Roland)**

So ihr liebe, die Kerwered is jetzt vorbei

Wir wollte ein kurze Abriss gebe

A bissel Dummgebabbel des muss an de Kerwe sei

Denn wend bei manchem mol so lauscht

Dann is mir immer klar

Wobei, a bei uns sollt so mancher gucke

Den net immer ist es dann so gut

Aus anfangs lUSDischem Gelalle

Nun geht in die Höf und habt euch wohl

Un a was zu esse net vergesse

Wir sin am Montag wieder fer eich es Dorf am rocke

Luftballonwettbewerb, Schubbkärchrenne, Firmelauf

An uns soll es net liege mir sin gericht

Nur de Dienschdag sei noch erwähnt

Beim Mathias wird die Kerb zu Grabe getrage

En schöne Mittag, e gudi Nacht

Es KKA verneigt sich vor eich und sad DANKE

*Die Asslemer Kerb sie lebe...*

mehr Wörder basse do a net nei

un manchmol a de Finger in die Wunde stecke

des passd jo a ganz gut zu leckrem Wei

was der do quatscht, recht gut berauscd

die Kerwered is nägschd Jahr garantiert wieder da

un vielleicht net so viel schlucke

wenn dich im Suff stehts packt die Wut

wern dann ziemlich schnell Krawalle

und fröhnt dann dort dem Alkohol

sunsch fall ner nochher beim Hemweg uff die NASE

mitmache is do ogsad un net blos hocke

Starter gebts hoffentlich zuhauf

und jetzerd hab ich glei ausgedicht

falls ihr eich dann no uns sehnt

dann is aber a gut, mer kenne dann nix mehr vetrage

mer hoffe ihr han e bissel mit uns gelacht

a mir gehe jetzt noch ebbes Tanke